



აჭარის ავტონომიური რესპუბლიკის
მთავრობის საქვეუწყებოდა წესებულება

ტურიზმისა და კურორტების დეპარტამენტი

ღონისძიების ორგანიზების მომსახურების სახელმწიფო შესყიდვის
გამარტივებული ელექტრონული ტენდერის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო
შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის,
გამარტივებული ელექტრონული ტენდერისა და ელექტრონული ტენდერის ჩატარების
წესის დამტკიცების შესახებ“ სახელმწიფო შესყიდვების
სააგენტოს თავმჯდომარის 2011 წლის 7 აპრილის N9 ბრძანების
საფუძველზე.

2011 წელი 20 სექტემბერი
ქ. ბათუმი

1. სარჩევი

1. ტექნიკური დოკუმენტაცია.....	3
2. სახელმწიფო შესყიდვის შესახებ ხელშეკრულების პროექტი	5
3. დამატებითი ინფორმაცია.....	10
4. დანართი N1 რეკვიზიტები და სატენდერო წინადადების ფასი	11
5. დანართი N2, ფასების ცხრილი.....	12

2. ტექნიკური დოკუმენტაცია

1. საკვალიფიკაციო მოთხოვნები:

1.1. იურიდიული პირებისათვის:

ა) ცნობა საქართველოს იუსტიციის სამინისტროს საჯარო რეესტრის ეროვნული სააგენტოდან, რომ არ მიმდინარეობს ტენდერში მონაწილეობის მსურველი პირის რეორგანიზაცია ან ლიკვიდაცია;

ბ) ამონაწერი სამეწარმეო რეესტრიდან შესყიდვაში მონაწილეობის მსურველი პირის რეგისტრაციის შესახებ.

1.2 ფიზიკური პირებისათვის:

ა) ამონაწერი სამეწარმეო რეესტრიდან შესყიდვაში მონაწილეობის მსურველი პირის რეგისტრაციის შესახებ.

2. **1.** პუნქტით გათვალისწინებული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს აღნიშნული ტენდერის გამოცხადების თარიღს.

2.1 პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოუდგენლობის შემთხვევაში, სატენდერო კომისია მოახდინს ამ პრეტენდენტის დისკვალიფიკაციას.

3. როგორც იურიდიული ასევე ფიზიკური პირებისათვის:

3.1. პრეტენდენტმა უნდა წარმოადგინოს რეკვიზიტები, სატენდერო წინადადების ფასი **დანართი N1-ის** მიხედვით და ფასების ცხრილი **დანართი N2-ის** ფორმის შესაბამისად;

4. თუ ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად ტენდერში მონაწილეობის შესაძლებლობა.

5. ანგარიშსწორების პირობები:

5.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

5.2. ანგარიშსწორება მოხდება უნაღდო ანგარიშსწორებით ლარში.

5.3. ანგარიშსწორება განხორციელდება გაწეული მომსახურების შესაბამისად დოკუმენტების გაფორმებიდან არაუგვიანეს 10 კალენდარული დღის განმავლობაში.

5.4. შესაძლებელია წინასწარი (სააგანსო) ანგარიშსწორება სახელშეკრულებო თანხის არაუმეტეს 40%-სა, მიმწოდებლის მიერ წარმოდგენილი საბანკო ან სადაზღვეო გარანტიის საფუძველზე. საბანკო ან სადაზღვეო გარანტიის მოქმედების ვადა 10 (ათი) კალენდარული დღით უნდა აღემატებოდეს ხელშეკრულებით გათვალისწინებული მომსახურების გაწევის ვადას.

5.5. შემსყიდველი არ არის ვალდებული შეიძინოს ფასების ცხრილში (დანართ N2-ში) მოცემული შესყიდვის ობიექტი სრული ოდენობით.

6. შესყიდვის ობიექტის აღწერილობა:

6.1 ღონისძიების ორგანიზების მომსახურება გულისხმობს ავიარეისების დახვედრას. კერძოდ: ქ. ბათუმის საერთაშორისო აეროპორტში ჩამოფრენილ ყოველ ავიარეისზე, საპასპორტო კონტროლის გავლის შემდეგ, ბარგის მიღების მოსაცდელ ჰოლში უნდა მოხდეს ავიარეისის მგზავრებისათვის ტკბილეულის შეთავაზება ქართულ ნაციონალურ ტანისამოსში ჩაცმული გოგო და ბიჭის მიერ.

6.2. აღნიშნული ღონისძიება უნდა განხორციელდეს შემდეგი პირობებით:

ა) დახვედრა უნდა მოხდეს ყველა ავიარეისის, რომელიც ჩამოფრინდება 9.00 საათიდან 24.00 საათამდე. 24.00 საათიდან დილის 9.00 საათამდე ავიარეისის მნიშვნელობიდან გამომდინარე შეიძლება მოხდეს დახვედრის ღონისძიების ორგანიზება მხოლოდ შემსყიდველის მოთხოვნით. რეისების რაოდენობა 200 (ორასი).

ბ) ნაციონალურ ტანისამოსში ჩაცმული გოგო და ბიჭის მონაცვლეობა უნდა ხდებოდეს ყოველკვირეულად. საჭიროა მინიმუმ ორი წყვილი (გოგო და ბიჭი) რომლებიც ერთმანეთს შეენაცვლებიან.

გ) ტკბილეული უნდა იყოს აჭარული ბაქლავა და ბურმე. თითოეული სახის ტკბილეულის ნაჭრების რაოდენობა უნდა იყოს 35-40 (ოცდათხუთმეტი-ორმოცი) ნაჭერი. ნაჭრები უნდა იყოს სტანდარტული, საშუალო ზომის.

დ) ტკბილეულის შეთავაზებასთან ერთად უნდა ხდებოდეს ხელსახოცების შეთავაზება.

ე) ტკბილეული დალაგებული უნდა იყოს პატარა ზომის მაგიდაზე, რომლის ზედაპირი დაფარული იქნება მაგიდის საფარით. ტკბილეულის ნაწილი დალაგებული იქნება ლანგარზე, რომელსაც ნაციონალურ ტანისამოსში ჩაცმული გოგო და ბიჭი მიაწოდებს სტუმრებს.

ვ) ტკბილეულის განახლება უნდა ხდებოდეს ყოველდღიურად და უნდა კონტროლირდებოდეს მისი გემოვნური თვისებები.

ზ) ღონისძიების ორგანიზების პერიოდში შემსყიდველის მიერ გადაცემული იქნება სარეკლამო ბანერი, რომელსაც პრეტენდენტი ყოველი დახვედრისას განათავსებს ბარგის მისაღებ მოსაცდელ დარბაზში.

თ) პრეტენდენტებმა უნდა მოახდინონ მინიმუმ ორი წყვილი გოგო და ბიჭის მოძიება, მათი აეროპორტში ყოველდღიურად ტრანსპორტირება და ღონისძიებასთან დაკავშირებული ყველა სხვა ხარჯის გაწევა.

- ღონისძიების ორგანიზების უფლებას აეროპორტის ტერიტორიაზე აიღებს შემსყიდველი და გამარჯვებული პრეტენდენტი ისარგებლებს შემსყიდველის სახელით.
- ღონისძიების ორგანიზებისას მკაცრად უნდა იყოს დაცული აეროპორტის მოთხოვნები და წესები. დაცული უნდა იქნეს სისუფთავე და უსაფრთხოების წესები.

7. მიწოდების პირობები, ვადები და ადგილი:

7.1. მომსახურების გაწევა განხორციელდება ხელშეკრულების გაფორმებიდან 2011 წლის 31 დეკემბრის ჩათვლით შემსყიდველის მოთხოვნის შესაბამისად.

7.2. საქონლის მიწოდების ადგილია ქ. ბათუმის საერთაშორისო აეროპორტი. საქონლის მიწოდებას მიმწოდებელი უზრუნველყოფს საკუთარი ხარჯებით.

7.3. ხელშეკრულების მოქმედების ვადაა ხელშეკრულების გაფორმების თარიღიდან 2011 წლის 31 დეკემბრის ჩათვლით.

3. სახელმწიფო შესყიდვის შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ხელშეკრულება N

ქ. ბათუმი,

..... 2011 წელი

ერთის მხრივ, აჭარის ავტონომიური რესპუბლიკის მთავრობის საქვეუწყებო დაწესებულება ტურიზმისა და კურორტების დეპარტამენტი (შემდგომში „შემსყიდველი“) წარმოდგენილი მისი თავმჯდომარის ვაჟა დიასამიძის სახით და მეორეს მხრივ სახით (შემდგომში მიმწოდებელი), გამარტივებული (მიმწოდებლის დასახელება, უფლებამოსილი პირის სახელი, გვარი)

ელექტრონული ტენდერის ჩატარების შედეგად (სატენდერო განცხადება NSP-----, კლასიფიკატორის (CPV) კოდი - 79952000) გაფორმებულ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ხელშეკრულების საგანი და ღირებულება

- 1.1. შესყიდვის ობიექტია: ბათუმის აეროპორტში ჩამოფრენილ 200 (ორასი) ავიარეისზე ტკბილეულით დახვედრის ღონისძიების ორგანიზება (შემდგომში მომსახურება) ტექნიკური დავალების შესაბამისად.
- 1.2. შესყიდვის ობიექტის ოდენობა და ერთეულის ფასი მოცემულია ფასების ცხრილში (დანართ N2-ში), რომელიც წარმოადგენს ამ ხელშეკრულების განუყოფელ ნაწილს.
- 1.3. ხელშეკრულების საერთო ღირებულება შეადგენს _____ ლარს.

2. შესყიდვის ობიექტის ხარისხი და სტანდარტები

- 2.1. ხელშეკრულების ფარგლებში გაწეული მომსახურება უნდა შეესაბამებოდეს სტანდარტებსა და ტექნიკურ ნორმებს.
- 2.2. მიმწოდებელი იძლევა ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

3. ხელშეკრულების შესრულების კონტროლი

- 3.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი რათა დარწმუნდნენ მათ შესაბამისობაში კონტრაქტით გათვალისწინებულ ტენიკურ პირობებთან.
- 3.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 3.3. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს აჭარის ა.რ. ტურიზმისა და კურორტების დეპარტამენტის სპეციალისტი -----

4. შესყიდვის ობიექტის მიწოდების ვადები, პირობები და ადგილი

- 4.1. მომსახურების გაწევა განხორციელდება ხელშეკრულების გაფორმებიდან 2011 წლის 31 დეკემბრის ჩათვლით.
- 4.2. შესყიდვის ობიექტის მიწოდების ადგილია - ქ. ბათუმის საერთაშორისო აეროპორტი.
- 4.3. შესყიდველი არ არის ვალდებული შეიძინოს ფასების ცხრილში (დანართ N2-ში) მოცემული შესყიდვის ობიექტი სრული ოდენობით.

5. შესყიდვის ობიექტის მიღება-ჩაბარების წესი

- 5.1. შესყიდვის ობიექტის მიღება-ჩაბარება განხორციელდება მომსახურების გაწევის შემდეგ შესყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის ან/და საგადასახადო ანგარიშფაქტურის გაფორმებით.
- 5.2. მიღება-ჩაბარების აქტის ან/და საგადასახადო ანგარიშფაქტურის გაფორმებასთან ერთად, მიმწოდებელი ვალდებულია წარმოუდგინოს შესყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 5.3. შესყიდვის ობიექტის მიღება-ჩაბარებაზე პასუხისმგებელი პირია აჭარის ა.რ. ტურიზმისა და კურორტების დეპარტამენტის სპეციალისტი -----

6. ანგარიშსწორება

- 6.1. ანგარიშსწორების ფორმა – უნაღდო.
- 6.2. შესყიდველი ანგარიშსწორებას ახორციელებს ფაქტობრივად გაწეული მომსახურების ან მისი ნაწილის გაწევის შემდეგ მიღება-ჩაბარების აქტის ან/და მიმწოდებლის მიერ შესაბამისი დოკუმენტების წარმოდგენიდან 10 (ათი) კალენდარული დღის განმავლობაში.
- 6.3. მიმწოდებელთან ანგარიშსწორება ხორციელდება ლარებში.
- 6.4. შესაძლებელია წინასწარი (საავანსო) ანგარიშსწორება სახელშეკრულებო თანხის არაუმეტეს 40%-სა, მიმწოდებლის მიერ წარმოდგენილი საბანკო ან სადაზღვეო გარანტიის საფუძველზე.

7. ფასები

- 7.1. მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.
- 7.2. ხელშეკრულების ღირებულებით პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.
- 7.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.
- 7.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შესყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 7.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ის ზე მეტი ოდენობის გაზრდა.

8. ხელშეკრულებაში ცვლილებების შეტანა

- 8.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

- 8.2. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 8.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.
- 8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. უფლებების გადაცემა

- 9.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

10. სუბკონტრაქტორები

- 10.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.
- 10.2. ამ ხელშეკრულების ფარგლებში დადებული ყველა სუბ-კონტრაქტორის ასლი უნდა წარედგინოს შემსყიდველს.
- 10.3. ამ ხელშეკრულების ფარგლებში დადებული არცერთი სუბ-კონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

11. ხელშეკრულების პირობების შეუსრულებლობა

- 11.1. თუ მიმწოდებელი არ ასრულებს თავის ვალდებულებებს, ხელშეკრულებაში მითითებულ ვადებში, შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები.
- 11.2. თუ მიმწოდებელი არ ასრულებს ხელშეკრულებით გათვალისწინებულ პირობებს, მაშინ მას დაეკისრება პირგასამტეხლოს გადახდა 0,15 %-ის ოდენობით ყოველ ვადაგადაცილებულ დღეზე.
- 11.3. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 5%-ს, ამ ხელშეკრულების მოქმედება ვადამდე შეწყდება.

12. ფორს-მაჟორი

- 12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 12.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

- 12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

- 13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 13.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

14. გამოყენებული სამართალი

- 14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების ენა

- 15.1. ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

16. გადასახადები და დაბეგვრა

- 16.1. უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.
- 16.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

17. ხელშეკრულების მოქმედების ვადა

- 17.1. წინამდებარე ხელშეკრულება ძალაშია ხელშეკრულების გაფორმების თარიღიდან 2011 წლის 31 დეკემბრის ჩათვლით.

18. სხვა პირობები

- 18.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 18.2. მესამე პირთან ურთიერთობაში მხარეები მოქმედებენ სახელით, ხარჯებითა და რისკით.
- 18.3. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი - მიმწოდებლს, ხოლო ორი ეგზემპლარი - შემსყიდველს). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 18.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

19. მხარეთა იურიდიული მისამართები და რეკვიზიტები

<i>„შემსყიდველი“</i>	<i>„მიმწოდებელი“</i>
<i>აჭარის ავტონომიური რესპუბლიკის ტურიზმისა და კურორტების დეპარტამენტი</i>	
<i>ტელ: (+995) (422) 27 50 23</i>	<i>ტელ:</i>
<i>მისამართი: ქ. ბათუმი, ფარნავაზ მეფის ქ. #84/86</i>	<i>მისამართი:</i>
<i>საბანკო რეკვიზიტები:</i>	<i>საბანკო რეკვიზიტები:</i>
<i>ს.ს. „საქართველოს ბანკი“ ცენტრალური ფილიალი</i>	
<i>ბანკის კოდი – BAGAGE22</i>	
<i>#GE78BG0000000886744500</i>	
<i>საიდენტიფიკაციო კოდი - 245427809</i>	<i>საიდენტიფიკაციო კოდი</i>
<i>დეპარტამენტის თავმჯდომარე</i>	
<i>_____ /ვ. დიასამიძე/ ბ. ა.</i>	

4. დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. ბათუმი, ფარნავაზ მეფის ქუჩა №84/86. მე-3 სართული. საკონტაქტო პირი: ზვიად ანთაძე - ადმინისტრაციული განყოფილების უფროსი. ტელ: (577)14 17 71; ელ.ფოსტა: administration@visitbatumi.travel

რეკვიზიტები და სატენდერო წინადადების ფასი

1. პრეტენდენტის იურიდიული ფორმა და დასახელება:
2. ხელმძღვანელის სახელი და გვარი:
3. პრეტენდენტის იურიდიული ან/და ფაქტიური მისამართი:
4. საიდენტიფიკაციო კოდი:
5. პრეტენდენტის ტელეფონის ნომერი:
6. ელექტრონული მისამართი:
7. მომსახურე ბანკის დასახელება:
8. ბანკის კოდი:
9. ანგარიშის ნომერი:
10. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

პრეტენდენტის ხელმოწერა _____ ბ.ა.

თარიღი _____

შენიშვნა: მიმწოდებლის მიერ სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედდასმული.

ფასების ცხრილი

პრეტენდენტის დასახელება _____

მომსახურების დასახელება	შესყიდვის ობიექტის აღწერილობა	რაოდენობა	ერთეულის ფასი	საერთო ღირებულება
ლონისძიების ორგანიზება		200 (ორასი) ავიარეისი		

პრეტენდენტის ხელმოწერა _____ ბ.ა.

თარიღი _____

შენიშვნა: მიმწოდებლის მიერ სახელმწიფო შესყიდვების ერთიან ელექტრონულ სისტემაში ატვირთული ყველა კომენტი უნდა იყოს ხელმოწერილი და ბეჭედდასმული.